

ॐ

श्री बजरंग बाण

Bajrang Baan

SHRI HANUMAN

DOHA

निश्चय प्रेम प्रतीति ते, बिनय करै सनमान ।
तेहि के कारज सकल शुभ, सिद्ध करै हनुमान ॥

CHAUPAI

- ① जय हनुमंत संत हितकारी ।
सुन लीजै प्रभु अरज हमारी ॥
- ② जन के काज बिलंब न कीजै ।
आतुर दौरि महा सुख दीजै ॥
- ③ जैसे कूदि सिंधु महिपारा ।
सुरसा बदन पैठि बिस्तारा ॥
- ④ आगे जाय लंकिनी रोका ।
मारेहु लात गई सुरलोका ॥
- ⑤ जाय बिभीषन को सुख दीन्हा ।
सीता निरखि परमपद लीन्हा ॥
- ⑥ बाग उजारि सिंधु महुँ बोरा ।
अति आतुर जमकातर तोरा ॥
- ⑦ अक्षय कुमार मारि संहारा ।
लूम लपेटि लंक को जारा ॥
- ⑧ लाह समान लंक जरि गई ।
जय जय धुनि सुरपुर नभ भई ॥
- ⑨ अब बिलंब केहि कारन स्वामी ।
कृपा करहु उर अन्तर्यामी ॥
- ⑩ जय जय लखन प्राण के दाता ।
आतुर ह्वै दुःख करहु निपाता ॥

- ॥ जै गिरिधर जै जै सुख सागर ।
सुर-समूह-समरथ भटनागर ॥
- ॥ 12 ॐ हनु हनु हनु हनुमंत हठीले ।
बैरिहि मारु बज्र की कीले ॥
- ॥ 13 ॥ गदा बज्र लै बैरिहिं मारो ।
महाराज प्रभु दास उबारो ॥
- ॥ 14 ॐ कार हुंकार महाप्रभु धावो ।
बज्र गदा हनु विलम्ब न लावो ॥
- ॥ 15 ॐ ह्रीं ह्रीं ह्रीं हनुमंत कपीशा ।
ॐ हुं हुं हुं हनु अरि उर शीशा ॥
- ॥ 16 ॥ सत्य होहु हरि शपथ पायके ।
राम दूत धरु मारु जाय के ॥
- ॥ 17 ॥ जय जय जय हनुमंत अगाधा ।
दुःख पावत जन केहि अपराधा ॥
- ॥ 18 ॥ पूजा जप तप नेम अचारा ।
नहिं जानत हौं दास तुम्हारा ॥
- ॥ 19 ॥ वन उपवन मग गिरि गृह माहीं ।
तुम्हरे बल हम डरपत नाहीं ॥
- ॥ 20 ॥ पांय परौं कर जोरि मनावौं ।
येहि अवसर अब केहि गोहरावौं ॥
- ॥ 21 ॥ जय अंजनि कुमार बलवंता ।
शंकर सुवन वीर हनुमंता ॥
- ॥ 22 ॥ बदन कराल काल कुल घालक ।
राम सहाय सदा प्रतिपालक ॥
- ॥ 23 ॥ भूत प्रेत पिशाच निशाचर ।
अग्नि बेताल काल मारी मर ॥
- ॥ 24 ॥ इन्हें मारु तोहि शपथ राम की ।
राखु नाथ मरजाद नाम की ॥

- 25) जनकसुता हरि दास कहावो ।
ताकी शपथ बिलंब न लावो ॥
- 26) जै जै जै धुनि होत अकासा ।
सुमिरत होय दुसह दुःख नाशा ॥
- 27) चरण शरण कर जोरि मनावौं ।
यहि अवसर अब केहि गोहरावौं ॥
- 28) उठु उठु चलु तोहि राम दुहाई ।
पाँय परौं कर जोरि मनाई ॥
- 29) ॐ चं चं चं चं चपल चलंता ।
ॐ हनु हनु हनु हनु हनुमंता ॥
- 30) ॐ हं हं हाँक देत कपि चंचल ।
ॐ सं सं सहमि पराने खल दल ॥
- 31) अपने जन को तुरत उबारो ।
सुमिरत होय आनंद हमरो ॥
- 32) यह बजरंग बाण जेहि मारै ।
ताहि कहो फिरि कौन उबारै ॥
- 33) पाठ करै बजरंग बाण की ।
हनुमत रक्षा करै प्रान की ॥
- 34) यह बजरंग बाण जो जापै ।
ताते भूत-प्रेत सब कापै ॥
- 35) धूप देय जो जपै हमेशा ।
ताके तन नहिं रहै कलेशा ॥

D O H A

प्रेम प्रतीतिहि कपि भजै, सदा धरै उर ध्यान ।
तेहि के कारज सकल शुभ, सिद्ध करै हनुमान ॥

A free offering from hanumanashtak.in · please share, do not sell.